

△

Monnoye de Normandie  
 C'est a dire faite par les Anglois audit  
 pays de Normandie

f.º.º.º.º.

Henry qui deposa le Roy Richard de la Couronne  
 d'Angleterre et s'en fist couronner Roy vint en  
 France l'an mil quatre cents quinze, feist faire  
 saluts a deux Escus de cette facon et poisoient deux  
 deniers dix huit grains, et sont d'or fin, mais ceulx  
 de France estoient plus fins. —



Item feist faire ledit Henry angelots qui poisoient  
 vnderier vingt grains et ont la croix et la fleur  
 de lys et le leopart, et d'autre part l'ange qui  
 tient deux Escus et sont fins. —



Item feist faire ledit Henry moutonnets de  
 pareille facon de ceulx de France que faisoit faire  
 le Roy Charles sixiesme a Paris, le quel Roy  
 Charles tres passa a Paris le vingtiesme jour  
 d'octobre mil quatre cents vingt deux, et les  
 moutons lisoient, henricus, et auoient trois, c,  
 sur la banniere du mouton et sont a vingt deux carats. —



Monnoye de Normandie

Item feist faire ledit Henry audit pays de Normandie monnoye de dix deniers tournois la piece, et de six sols huit deniers de taille qui avoient une Croix et au Coste une fleur de lys et un leopart et deffoubs estoit l'escrit, henricus, et de l'autre part deux Escus, en l'un les armes de France et en l'autre l'Escu Escartela de France et Angleterre et deffus, henricus, et sont faits a cinq deniers de loy.



Item feist faire petits blancs de mesme facon ayans cours pour cinq deniers tournois la piece, de treize sols trois deniers de taille au marc et a cinq deniers de loy.



Et fut fait monnoye noire de cette facon a un denier de loy.



Ledit Henry vint en France l'an mil quatre cents quinze, et mourut au Bois de Vincennes le deurierme jour du mois d'octobre l'an mil quatre cents vingt deux.

Le quatorziesme jour d'aoust mil quatre cents

cinquante deux, fut faite la restitution de  
toute la Duché de Normandie au Roy Charles  
Septiesme de France.

★ En Ce Royaume a esté fait plusieurs gets f<sup>o</sup> 6i<sup>o</sup> R<sup>o</sup>  
d'argent dont les uns sont a quatre deniers et les  
autres sont a dix deniers de loy et poisent  
trois deniers de marc et aucuns ne poisent  
que deux deniers dix huit grains. Il y en a qui  
ont un ours et furent faits ~~et furent faits~~  
d'utemps de Monsieur de Berry, et aussy en  
fut fait d'utemps que Monsieur le Connestable  
de Richemont faisoit faire monnoye a Partenay,  
Et avoit esdits gettons un sanglier qui avoit un  
roulleau et devise auquel avoit, qui que le veille,  
et de l'autre part les armes dudit Seigneur, et  
toutes manieres de gettons lisent, getter seurement  
et le conte trouvered.